



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De arboribus quas vulgus colit. x.

urn:nbn:de:hbz:466:1-10722

D. BURCHARDI EPIS. VVORMAC.

De illis qui ritum paganorum obseruant. Cap. VI.

Ex cōcil. braggar. cap. 6. **S**I quis paganorum consuetudinem sequens, diuinos sortilegos in domum suam introduxerit, quasi ut malum foras mittat, aut maleficia inueniat, quinque annos pœniteat.

De illis qui augurijs & incantationibus subseruiunt. Cap. VII.

Ex cōcil. Carthagi. ca. 89. **A**ugurijs vel incantationibus seruientem, à conuentione Ecclesiæ separandum. Similiter & Iudaicis superstitionibus, vel feriis inhaerentem.

De eadem re. Cap. VIII.

Ex pœnitentiâ Romano. **Q**VI augurijs vel diuinationibus inseruiunt, vel credit, ut aliqui hominum sint immissores temporum: vel si qua mulier diuinationes, vel incantationes magicas fecerit, V II. annos pœniteat.

De illis qui sortes obseruant. Cap. IX.

Ex codē. **A**vguria vel sortes quæ dicuntur falsæ sanctorum diuinationes, qui eas obseruauerint, vel quarumque scripturarum, vel votum uouerint, vel perfoluerint arborem, vel ad lapidē, vel ad quamlibet rem, exceptam Ecclesiam, omnes excommunicentur. Si ad pœnitentiam uenerint, clerici annos tres, laici annum unum & diem, pœniteant.

De arboribus quas vulgus colit. Cap. X.

Ex cōcil. Hānetēsi, cap. 8. **S**ymmo studio decertare debent episcopi, & eorum ministri, ut arbores dæmonibus cōsecratæ, quas vulgus colit, & in tanta ueneratione habet, ut nec ramum vel baculum inde audeat amputare, radicitus excidantur, & comburantur. Lapides quoque in ruinosis locis, & in uestribus dæmonum ludificationibus decepti uenerunt, ubi & vota uouent & deferunt, funditus effodiatur, & in tali loco proiciantur, ubi nunquam à cultoribus seruari possint. Et omnibus annuncietur quatum scilicet idololatria, & qui hæc ueneratur, & colit, quasi Deum negat, & Christianitati abrenunciat, & talem pœnitentiam inde suscipiat quasi idola adorasset: omniaque terdicantur, ut nullus votum faciat, aut candelam, vel

quo d munus pro salute sua rogaturus alibi deferat, nisi ad Ecclesiam domino Deo suo. Scriptum est enim: Vouete & reddite domino Deo vestro. Nouimus siquidem quanta dominus antiquo populo per prophetas suos comminatus est qui in lucis sacrificabant, & in excelsis immolabant. Si quis hæc transgressus fuerit, fidem perdidit, & est infideli deterior. Et idcirco omni modo à sanctæ Ecclesiæ confortio abscindatur, &, nisi dignè pœnituerit, non recipiatur.

De illis qui dies & menses obseruant. Cap. XII.

Apostolus dicit: Dies obseruatis, & menses, & tempora, & annos: timeo ne sine causa laborauerim in uobis. Dies obseruant, qui dicunt puto crastino proficiscendum non est. Post crastinū enim nō debet aliquid inchoari, & sic solent magis decipi. Hi autem colunt menses, qui cursum Lunæ perscrutantur, dicentes: Septima Luna strumenta confici non debent: nona autem Luna emptum seruum domum duci non oportet. Et per hæc facilius solent aduersa prouenire. Tempora uero obseruant, cum dicunt. Hodie ueris initiū est, & ideo festiuitas est. Et rursus: Postertum est, domum egredi non licet. Annos sic colunt, cum dicunt Calendis Ianuarij nouus est annus, quasi non quotidie annus impleatur. Hæc superstitio longè debet esse à seruis Dei. Si quis in hac perfidia detegitur, clerici annum unum: laici dimidium pœniteant.

Ex dictis Ambro.

De his qui demonibus immolant. Cap. XIII.

Nam de his qui demonibus immolant Theodori episcopi constitutiones habemus, in quibus scriptum est: Qui immolant demoniis in minimis, annum unum pœniteant. Qui uero in magnis, X. annos pœniteant.

Ex pœnitentiâ Theodo.

De illis qui traditiones gentilium obseruant.

Caput XIII.

Non licet Christianis traditiones gentilium obseruare, uel colere elementa, aut Lunam, aut stellarum cursum, & inanem signorum fallaciam considerare pro domo facienda, & ad coniugia socienda. Scriptum est enim: Omnia quæcūq; facitis in uerbo aut in opere, in nomine dñi nostri Iesu Christi facite, gratias agentes Deo. Si quis autem fecerit seuerissimè corripatur, & canonicè pœniteat.

Ex cōcil. Braggay. cap. 20.